



Broj: 10/E-11-3055/24
Sarajevo, 03-06-2024. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Opštinskog načelnika broj: 10-45-237/24 od 25.03.2024. godine, (u daljem tekstu: Komisija II), u postupku javne nabavke: Usluge održavanja i proširenja LAN-a (Zapisnik o pregledu i ocjeni ponuda broj: 10/E-11-3055/24 od 27-05-2024. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača „**FIXIT**“ d.o.o. Sarajevo, ulica Zaima Šarca broj 34, 71000 Sarajevo, broj: 220524/AB001-T od 22.05.2024. godine, za usluge održavanja i proširenja LAN-a, putem otvorenog postupka, sa umanjenom cijenom nakon provedene e-aukcije, u ukupnom iznosu od **12.500,00 KM bez PDV-a**, odnosno **14.625,00 KM sa PDV-om**.
- II.** Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originale ili ovjerene kopije).
- III.** Ugovorni organ će sa izabranim ponuđačem zaključiti Okvirni sporazum, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Образложење

Postupak za javnu nabavku usluga održavanja i proširenja LAN-a, pokrenut je Odlukom Općinskog načelnika o pokretanju postupka broj: 10/E-11-3055/24 od 30.04.2024. godine, putem otvorenog postupka, uz primjenu e-aukcije. Predmet nabavke nije podijeljen na lotove.

Obavještenje o nabavci 848-1-2-27-3-61/24 od 30.04.2024. godine objavljeno na Portalu javnih nabavki. Sažetak Obavještenja o nabavci objavljen u „Službenom glasniku BiH“ – Oglasnik javne nabavke, broj 30/24.

Procijenjena vrijednost javne nabavke iznosi **12.820,00 KM bez PDV-a**, za cijeli period trajanja Okvirnog sporazuma.

U roku za predaju ponuda koji je određenom tenderskom dokumentacijom (22.05.2024. godine do 12:00 sati), na adresu Ugovornog organa dostavljene su 3 (tri) ponude predate od ponuđača: 1. „SILNICA“ d.o.o. Sarajevo; 2. „FIXIT“ d.o.o. Sarajevo i 3. „ARTCO GROUP“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana su cijene ponuda, kao kriterij „najniža cijena“, kako slijedi:

R/b	Ponudač	Ukupna cijena (KM) bez PDV-a	Popust	Ukupna cijena (KM) sa PDV-om
1.	„SILNICA“ d.o.o. Sarajevo	12.538,00	/	14.669,46
2.	„FIXIT“ d.o.o. Sarajevo	12.820,00	/	14.999,40
3.	„ARTCO GROUP“ d.o.o. Sarajevo	12.820,00	/	14.999,40

Nakon izvršenog javnog otvaranja ponuda, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Uvidom je Komisija II ustanovila da dostavljene ponude ponuđača: „SILNICA“ d.o.o. Sarajevo; „FIXIT“ d.o.o. Sarajevo i „ARTCO GROUP“ d.o.o. Sarajevo ispunjavaju formalno-pravne, ekonomske i tehničke uslove, odnosno da ispunjavaju zahtjeve Ugovornog organa iz tenderske dokumentacije za predmetnu nabavku, te da su prihvatljive u smislu Zakona o javnim nabavkama.

Detaljnom računskom provjerom ispravnosti ponuda navedenih ponuđača, Komisija II je utvrdila da su podnesene ponude računski ispravne, te da je ispravno obračunata ukupna cijena ponuda sa PDV-om.

Tenderskom dokumentacijom je predviđeno provođenje e-aukcije, te je ista bila navedena i u Obavještenju o nabavci broj: 848-1-2-27-3-61/24 od 30.04.2024. godine.

E-aukcija je u predmetnom postupku održana dana 27.05.2024. godine sa početkom u 10:00 sati. U periodu održavanja e-aukcije (od 10:00 do 10:12 sati) ponuđač „FIXIT“ d.o.o. Sarajevo je podnio novu cijenu, izmijenjenu naniže u odnosu na početnu cijenu primljene ponude, dok druga dva ponuđača „SILNICA“ d.o.o. Sarajevo i „ARTCO GROUP“ d.o.o. Sarajevo nisu podnosili nove, izmijenjene cijene dostavljenih ponuda.

Sistem e-Nabavke je dostavio Izvještaj o toku i završetku e-aukcije, broj postupka 848-1-2-27/24, na osnovu kojeg je izvršeno rangiranje ponuda, a koji je sastavni dio ovog zapisnika.

Rangiranje ponuda na osnovu kriterija za izbor ponude „najniža cijena“, shodno članu 64. stav (1) tačka b) Zakona o javnim nabavkama, a nakon provedene e-aukcije:

Rang	Ponudač	Ukupna cijena (KM) bez PDV-a
1.	„FIXIT“ d.o.o. Sarajevo	12.500,00
2.	„SILNICA“ d.o.o. Sarajevo	12.538,00
3.	„ARTCO GROUP“ d.o.o. Sarajevo	12.820,00

PREPORUKA O PRIHVATANJU PONUDE

Prvorangiranog ponuđača **„FIXIT“ d.o.o. Sarajevo, ulica Zaima Šarca broj 34, 71000 Sarajevo**, broj: 220524/AB001-T od 22.05.2024. godine, za usluge održavanja i proširenja LAN-a, sa umanjenom cijenom nakon provedene e-aukcije, u ukupnom iznosu od **12.500,00 KM bez PDV-a**, odnosno **14.625,00 KM sa PDV-om**, sa kojim će biti zaključen Okvirni sporazum.

Opštinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema iste, shodno članu 101. Zakona o javnim nabavkama.

Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda
broj: 10/E-11-3055/24 od ~~27-05-2024~~ godine



OPŠTINSKI NAČELNIK

Srdan Mandić

Dostaviti:

1. Ponuđaču: „SILNICA“ d.o.o. Sarajevo, ul. Dr. Šilve Rizvanbegović broj 22, 71000 Sarajevo
2. Ponuđaču: „FIXIT“ d.o.o. Sarajevo, ul. Zaima Šarca broj 34, 71000 Sarajevo
3. Ponuđaču: „ARTCO GROUP“ d.o.o. Sarajevo, ul. Marka Marulića broj 2, 71000 Sarajevo
4. Kabinetu opštinskog načelnika – Odsjek za javne nabavke
5. Kabinetu općinskog načelnika – Odsjek za informatiku
6. Službi za finansije
7. U spis